



## МУНОСАБАТ

### Қўлни-қўлга бериб,

### юрт истиқболи учун қадам ташлаймиз

Янги йил — бу бир кунда ўтадиган байрам ёки оила, яқинлар даврасида нишонланадиган тантанагина эмас. Янги йил — бу ҳар бир инсон учун ўтаётган умрининг сарҳисоби, янги мақсадлар, улғайиш, камолот сари қўйилган қадамдир.

Давлатимиз раҳбарининг халқимизга янги йил табригида таъкидлаганидек, жаҳондаги мураккаб вазиятга қарамасдан, ўтган йил мамлакатимиз учун кутли ва баракали бўлди. Бунинг учун ҳар қанча шукрона айтсак, арзийди. Табрикнинг бутун мазмун-моҳияти айниқса, "инсон қадри учун, инсон бахти учун!" деган олижаноб мақсадни барчамиз биргаликда амалга оширамиз", деган даъватли жумлалар партия ташкилотларимиз ва депутатларимизни юртимиз тараққиёти йўлидаги эзгу ишларда янада фаол бўлишга чорламоқда. Бу улар томонидан билдирилаётган муносабатларда ҳам ўз ифодасини топмоқда.

2 САҲИФАДА

## "Янги Ўзбекистон Армияси - мамлакат таянчи, халқимиз фахри!"

### ССВ: МЕТАПНЕВМОВИРУС ЯНГИ КАСАЛЛИК ЭМАС. ОРТИҚЧА ХАВОТИРГА ҲОЖАТ ЙЎҚ

Сўнгги кунларда ОАВ ва ижтимоий тармоқларда дунёнинг қатор мамлакатлари бўйлаб метапневмовирус инфекцияси авж олаётгани ҳамда ушбу хасталик COVID-19дан ҳам хавфлироқ эканлиги ҳақида хабарлар тарқалмоқда.

ССВга кўра, метапневмовирус аввалдан маълум инфекция бўлиб, биринчи марта 2001 йилда аниқланган. Бу инфекция одатда бурун оқиши, йўтал ва иситма белгилари билан, худди ўткир респиратор вирусли инфекциялар шаклида пайдо бўлади, баъзи ҳолларда бронхиолит ва пневмонияни келтириб чиқаради.

Мазкур вирус билан хасталаниш ҳолатлари дунёнинг барча минтақаларида ҳар йили қайд этилади. Метапневмовируснинг куз-қиш даврида янада фаоллашуви кузатилади.

Ўзбекистонда ҳам айни вақтда ўткир респиратор инфекцияларнинг мавсумий кўтарилиши кузатишмоқда. Юртимизда уларнинг лаборатория текширувлари мунтазам амалга ошириб келиняпти ва ана шундай текширувларнинг 39,9 фоизда грипп вируси, 32,2 фоизда риновирус, 30,6 фоизда респиратор-синцитиал вирус ва 1,2 фоизда метапневмовирус аниқланган.

### БАРЧАСИ ИНСОН УЧУН!

Ўтган йил Қорақалпоғистон учун чин маънода баракали ва тарихий воқеаларга бой йил бўлди. Йил давомида қатор йирик лойиҳалар, янги sanoat корхоналари, туризм масканлари, энергетика қувватлари, IT парк ишга туширилгани фикримизни сўзсиз исботлайди.

Айниқса, йил бошида Амударё ўзра Қорақалпоғистонни Хоразм билан боғлайдиган, узунлиги 423 метр бўлган янги автомобиль ва темир йўл кўпригининг фойдаланишга топширилгани халқимизда чексиз қувонч, фахр ва ифтихор туйғуларини уйғотди.



4-5 САҲИФАЛАРДА

### ҚОНУН БИР МУАММОНИ ҲАЛ ҚИЛИБ, БОШҚАСИНИ ЯРАТМАСЛИГИ КЕРАК

Янги йилнинг биринчи дўшанбаси. Олий мажлис қонунчилик палатасида ҳафта қонун лойиҳаларининг қизгин муҳокамаси билан бошланди. Дастлаб лойиҳалар партиялар фракцияларининг йиғилишларида кўриб чиқилди. Ўзбекистон халқ демократик партияси фракцияси аъзолари айрим масалалар аллақачон ўзгариш талаб қилаётганини таъкидласа, баъзи меъёрларни кераксиз деб баҳолаб, ўз эътирозларини ҳам билдирди.

3

### ➤ БУГУНГИ СОНДА



ОКМК: ЭКСПОРТ ГЕОГРАФИЯСИ КЕНГАЙМОҚДА

8



2 МИЛЛИАРДДАН ЗИЁД АҲОЛИ САЙЛОВЛАРДА ҚАТНАШГАН

7

# ҚЎЛНИ-ҚЎЛГА БЕРИБ, ЮРТ ИСТИҚБОЛИ УЧУН ҚАДАМ ТАШЛАЙМИЗ

Янги йил — бу бир кунда ўтадиган байрам ёки оила, яқинлар даврасида нишонланадиган тантанагина эмас. Янги йил — бу ҳар бир инсон учун ўтаётган умрининг сарҳисоби, янги мақсадлар, улғайиш, камолот сари қўйилган қадамдир. Давлатимиз раҳбарининг халқимизга янги

йил табригида таъкидлаганидек, жаҳондаги мураккаб вазиятга қарамасдан, ўтган йил мамлакатимиз учун қўтли ва баракали бўлди. Бунинг учун ҳар қанча шукрона айтсак, арзийди. Табрикнинг бутун мазмун-моҳияти айниқса, "инсон қадри учун, инсон бахти учун!" деган олижаноб мақсадни

барчамиз биргаликда амалга оширамиз", деган даъватли жумлалар партия ташкилотларимиз ва депутатларимизни юртимиз тараққиёти йўлидаги эзгу ишларда янада фаол бўлишга чорламоқда. Бу улар томонидан билдирилаётган муносабатларда ҳам ўз ифодасини топмоқда.

## ЯХШИ ВА БАРАКАЛИ ЙИЛ БЎЛСИН



Қизилгўл ҚОСИМОВА,  
Олий Мажлис Қонунчилик  
палатасидаги Ўзбекистон ХДП  
фракцияси аъзоси:

— Айни пайтда биз 2024 йилнинг сарҳисобини, нималарга эришдик-у қайси имкониятларни бой бердик, деб мулоҳаза қиладиган, хатолардан хулоса чиқариб, янги режалар тузадиган бир палладамиз. Бу фикрлар давлатимиз раҳбарининг халқимизга йўлаган табригида ҳам алоҳида қайд этилди. Шу ўринда айтиш керакки, 2024 йил юртимиз сиёсий ҳаётида тарихий сана сифатида ўрин олди. Иқтисодий ва ижтимоий соҳаларда қатор ютуқ ва марраларга эришилди.

Биргина соғлиқни сақлаш соҳасини оладиган бўлсак, бу йўналишга 5-6 йил аввалгига нисбатан 6 баробар кўп малбағ ажратилди. Яъни, қарийб 33,4 триллион сўм соҳани ривожлантириш, аҳоли саломатлигини сақлаш учун йўналтирилди. Тиббиёт муассасаларининг моддий-тех-

ник базаси янгиланди, замонавий тиббиёт муассасалари барпо этилди, тизим маҳаллага, одамларга яқинлаштирилди. Марказий Осиёда ягона бўлган Республика ихтисослаштирилган онкология ва радиология илмий-амалий тиббиёт маркази янги мажмуада иш бошлади. Буларнинг барчаси айтишга осон, холос. Амалга ошириш учун эса жасорат, ташаббус ва албатта катта маблағ зарур.

Бу каби ижобий натижаларни ҳар бир соҳада кўришимиз мумкин.

Президент табригида 2025 йилги режа ва мақсадлар ҳам аввалгисидан кам эмаслигига эътибор қаратилди. Хусусан, Атроф-муҳитни асраш ва "яшил иқтисодиёт" йилида асосий мақсад — инсон ва табиат мувозанатига асосланган тизим яратишдан иборат экани таъкидланди. Табиийки, бунинг учун кўп ишларни амалга ошириш зарур. Янги йил бу янги имкониятлар демакдир.

Муҳими, жорий йилда ҳам ижтимоий соҳалар, иш ҳақи, пенсия ва стипендиялар, нафақалар миқдорини оширилиб борилишига алоҳида урғу берилди. Аҳолининг саломатлигини сақлаш ва ёшларнинг таълим олиши учун шароитлар кенгайтирилиши қайд этилди.

Юртимизда бундай кенг қўламли мақсадларнинг самарали амалга оширилишига ҳисса қўшиш учун албатта энг аввало, ҳар бир шахс ўз олдига вазифалар белгилаб олиши зарур. Биз ҳам депутат сифатида ўз олдимизга қатор масалаларни қўйганмиз. Қонун ижодкорлиги йўналишида ҳам ташаббусларимиз бор. Ўйлайманки, янги йилимиз яхши ва баракали йил бўлади.

## ЖАМИЯТНИ ҲАРАКАТГА ЧОРЛАБ, КЕЛАЖАККА ИШОНЧ УЙФОТАДИ



Зулфия ТҲҲЕВА,  
Ўзбекистон ХДП Бухоро вилоят  
кенгаши раиси:

— Давлатимиз раҳбарининг байрам табригида 2024 йилдаги ортга қайтмас ислохотлар, ҳар бир муҳим йўналишга тўхталиб ўтилди. Шу билан бирга, жорий йилда олдимизда турган энг устувор масалаларга эътибор қаратилди. Зеро, илгар сурилган ғоялар ва ундовлар жамият учун фойдали, манfaatли ва долзарб саналади. Чунки, келажак учун қўйилган аниқ мақсадлар ва вазифалар барчамизга янгича шижоат бағишлайди.

Қайд этиш керакки, дунёда таҳликали вазият ҳукми сураётган бир даврда миллий иқтисодиётимизда ўсишлар, ривожланиш давом этмоқда. Бу ўз навбатида соҳалар кесимида янги ютуқларга ҳам йўл очаяпти. Шу билан бирга, жаҳон аренасидаги нуфузимизни янада мустаҳкамлашга, ўзбекнинг кимлигини кўрсатишга имкон бермоқда. Буларнинг барчаси аниқ ва мақсадли ташаббуслар натижасидир. Қолаверса, инсон

манфаати ҳар нарсадан устун деган асосий ғояга йўғрилган ислохотлар халқимиз фировонлиги ва тинчлигига хизмат қилмоқда.

2024 йилги сайловлар мамлакатимизда демократик тамойилларни янада мустаҳкамлашга қаратилган муҳим воқеа сифатида тарихдан жой олди. Жараёнлар очиқлик, шаффоқлик ва халқнинг эркин иродасини ифода этиш тамойилларига асосланган ҳолда ўтгани, демократик ислохотларнинг янги босқичига қадам қўйганимизни кўрсатиб берди. Сайловларда аҳолининг фаол иштирок этиши, партиялар ва номзодлар ўртасидаги соғлом рақобат муҳити, фуқароларнинг сиёсий маданиятининг ўсганини кўрсатди. Бу жараён давлат ва жамият ривожланишида ҳар бир фуқаронинг ўрни, масъулияти муҳим эканини яна бир бор тасдиқлади.

Шунингдек, сайловларда қабул қилинган янги сиёсий жараёнлар ва ислохотлар халқ билан давлат ўртасидаги ишончни янада мустаҳкамлашда муҳим аҳамият касб этди. Бу жараёнларда ёшлар, хотин-қизлар ва фаол фуқароларнинг ҳамкорлиги кучайди. Буларнинг барчаси мамлакатимизда демократик кадрларни чуқурлаштириш ва барқарор ривожланишни таъминлаш йўлида янги имкониятларни яратди.

Бундан ташқари, иқтисодиёт, таълим, тиббиёт ёки маданият соҳаларига оид таъкидланган мақсадлардан ушбу соҳаларда кутилаётган ўзгаришларни тасаввур қилиш қийин эмас. Президентимизнинг Янги йил табриги халқимизда юрт тараққиёти ва ўз келажакка бўлган ишончни янада орттирди, десак тўғри бўлади.

## ДАВЛАТИМИЗ РАҲБАРИНИНГ ДАЪВАТИ БИЛАН



Махсуд САЪДУЛЛАЕВ,  
Ўзбекистон ХДП Амударё  
туман Кенгаши раиси, туман  
Кенгашидаги партия гуруҳи  
раҳбари:

— Президентимизнинг Янги йил табригида "Олий Мажлис ва маҳаллий Кенгашларга бўлиб ўтган сайловлар демократик ислохотларнинг янги даврига қадам қўйганимизни яна бир марта тасдиқлади", дея таъкидланди. Ҳақиқатан ҳам ўтган сайловларда сиёсий партияларнинг дастури ҳам, ғоялари ҳам бир-биридан фарқ қилди. Турли сиёсий мафкуралар кураши кўзга ташланди.

Сайловлар натижасига кўра, халқ депутатлари Амударё туман Кенгашидаги 25 та ўринга партиямиздан 6 нафар депу-

тат сайланди. Қисқа вақт ичида янгидан сайланган депутатлар билан партиянинг Ҳаракат дастурида белгиланган масалаларни депутатлик гуруҳида ўргандик. Доимий комиссиялар ва сессия кун тартибига олиб чиқиб, партия электорати манfaatларига дахлдор қарорлар қабул қилинишига эришдик. Депутатларнинг ўз сайловчилари билан учрашувлари кўламини ва самардорлиги ортди. Буларнинг барчасига давлатимиз раҳбарининг "депутат ва сенаторларни ўзлари сайланган ҳудуддаги муаммолар тегишли вазирлик ва ҳокимликлар томонидан қай даражада ҳал этилаётганини доимий ўрганиб, назорат қилиб боришга чақираман", деган даъвати кучли туртки бўлди. Сиёсий партиялар ва депутатлар олдида турган муҳим вазифалар маълум. Яъни, электоратимизни ўйлантираётган масалаларни ўрганиш, аҳолини турмушини янада яхшилаш бўйича таклифлар бериш, турли дастурлар, меъёрий-ҳуқуқий ҳужжатлар ижроси устидан назорат ўрнатишдан иборат. Умуман, халқнинг ёнида бўлиш, уларнинг номидан гапириш ва фаолиятимизни ҳам халқ манfaatлари йўлида ташкил этиш олий бурчимизга айланмоғи зарур. Ўз навбатида, Президентимиз томонидан ўртага ташланган энг долзарб ва халқчил ташаббуслар, муҳим таклифлар, белгилаб берилган ҳаётий вазифаларнинг мазмун-моҳиятини сайловчилар, электоратимиз вакилларига етказишда доим фаол бўлишимиз талаб этилади.

## ЯНГИ ЎЗБЕКИСТОН ҒОЯСИ РЕАЛ ВОҚЕЛИККА АЙЛАНМОҚДА



Дониёрбек ЖУМАОЕВ,  
"UZAUTO MOTORS" АЖ  
транспорт бўлими таъминотчиси,  
Ўзбекистон ХДП бошланғич  
ташкilotи етакчиси:

— Президентимизнинг Ўзбекистон халқига Янги йил табригида айтган фикрлари албатта 2025 йилги ишларимизда дастуруламал бўлади. Табрикда "Янги Ўзбекистон ғояси реал воқеликка айланмоқда", деган сўзларнинг исботини ўз яшаётган манзилимиз, ўқиш ва иш жойларимиз, одамларнинг ҳаётидаги ўзгаришларда кўриб турибмиз. Ҳақиқатан ҳам ҳудудларда янги уй-жойлар, боғча ва мактаблар, олийгоҳлар, маданият ва спорт масканлари

қад кўтармоқда. Юртимиз тобора обод қиёфа касб этиб бормоқда. Минглаб юртдошларимиз Янги йилни янги уйларида кутиб олмоқда. Бундай бунёдкорлик ишлари халқимизнинг фидойи меҳнати, давлатимизнинг оқилона сиёсати натижасидир.

Ўз фаолиятимиз ва йўналишимиздан келиб чиқиб айтадиган бўлсам, бугун одамлар анча фаол, сиёсий уйғоқ ва ўзининг мустақил фикри, аниқ мақсадларига эга. Бу албатта одамни қувонтиради, ишимизга янги руҳ ва ташаббус билан ёндашишга илҳом беради.

"UZAUTO MOTORS" қўшма корхонасида Ўзбекистон Халқ демократик партиясининг бошланғич ташкilotи тўзилган. Мана 3 йилдирки, ушбу кичик бўғинни бошқариб келяман. 1991 йилда янги ташкил топганида 272 нафар аъзо бўлган, ҳозирга келиб аъзолар сони 1500 га яқинлашди. Яқинда жамоамиздаги 130 нафар ёшлар партияимиз сафига қабул қилинди. Партияимиз тарафдорлари, аъзоларимиз сони ортиб бораётгани ижтимоий соҳадаги ташаббусларимизни амалга оширишда муҳим аҳамият касб этади.

Хайрли ташаббуслар, ютуқ ва марраларга бой бўладиган йилда тинчлик ва осойишталигимиз бардавом бўлишига тилак билдираман.

"Ўзбекистон овози" муҳбири  
Зилола УБАЙДУЛЛАЕВА ёзиб олди.



ЮРТИМИЗДА БУНДАЙ КЕНГ ҚЎЛАМЛИ МАҚСАДЛАРНИНГ САМАРАЛИ АМАЛГА ОШИРИЛИШИГА ҲИССА ҚЎШИШ УЧУН АЛБАТТА ЭНГ АВАЛО, ҲАР БИР ШАХС ЎЗ ОЛДИГА ВАЗИФАЛАР БЕЛГИЛАБ ОЛИШИ ЗАРУР. БИЗ ҲАМ ДЕПУТАТ СИФАТИДА ЎЗ ОЛДИМИЗГА ҚАТОР МАСАЛАЛАРНИ ҚЎЙГАНМИЗ. ҚОНУН ИЖОДКОРЛИГИ ЙЎНАЛИШИДА ҲАМ ТАШАББУСЛАРИМИЗ БОР. ЎЙЛАЙМАНКИ, ЯНГИ ЙИЛИМИЗ ЯХШИ ВА БАРАКАЛИ ЙИЛ БЎЛАДИ.

**ҚУЙИ ПАЛАТА МУҲОКАМАСИ**



# ҚОНУН БИР МУАММОНИ ҲАЛ ҚИЛИБ, БОШҚАСИНИ ЯРАТМАСЛИГИ КЕРАК

**ЯНГИ ЙИЛНИНГ БИРИНЧИ ДУШАНБАСИ. ОЛИЙ МАЖЛИС ҚОНУНЧИЛИК ПАЛАТАСИДА ҲАФТА ҚОНУН ЛОЙИҲАЛАРИНИНГ ҚИЗГИН МУҲОКАМАСИ БИЛАН БОШЛАДИ. ДАСТЛАБ ЛОЙИҲАЛАР ПАРТИЯЛАР ФРАКЦИЯЛАРИНИНГ ЙИҒИЛИШЛАРИДА КЎРИБ ЧИҚИЛДИ. ЎЗБЕКИСТОН ХАЛҚ ДЕМOKPАТИК ПАРТИЯСИ ФРАКЦИЯСИ АЪЗОЛАРИ АЙРИМ МАСАЛАЛАР АЛЛАҚАЧОН ЎЗГАРИШ ТАЛАБ ҚИЛАЁТГАНИНИ ТАЪКИДЛАСА, БАЪЗИ МЕЪЁРЛАРНИ КЕРАКСИЗ ДЕБ БАҲОЛАБ, ЎЗ ЭЪТИРОЗЛАРИНИ ҲАМ БИЛДИРДИ.**



Кеча қуйи палатанингни жорий йилдаги биринчи мажлиси бўлиб ўтди. Депутатлар партиясининг электорати, сайловчилар манфаатларидан келиб чиқиб саволлар берди. Таклиф этилаётган ўзгартириш ва қўшимчалар учун изоҳ сўради. Табиийки, қизгин муҳокамага сабаб бўлган лойиҳалар учун кўпроқ вақт керак бўлди. Палата мажлиси давомида депутатларнинг саволларга жавобдан қониқиш ҳосил қилмагани юз ифодалари ёки аксинча мамнунлик ҳолатлари ҳам яққол кўринди.

Ўзбекистон Халқ демократик партиясининг позицияси қандай бўлди? Келинг, таҳлилни шундан бошлаймиз.

**ФРАКЦИЯ ҚОНУН ЛОЙИҲАСИНИ ҚЎМИТАГА ҚАЙТАРДИ**

Тизимдаги ўзгаришларга қарамай, соғлиқни сақлашни бошқаришнинг инновацион моделини жорий этиш, тиббиёт ва фармацевтика ходимларини давлат рўйхатида олишнинг асосларини шакллантиришни ҳаётнинг ўзи тақозо қилолмади. Шу билан бирга, ҳуқуқи ва малака ҳужжати бўлмаган шахсларнинг тиббий ҳамда фармацевтик фаолият билан шўғулланишининг олдини олиш, хизмат кўрсатишда хатоликларни ва унинг оқибатида келиб чиқадиغان салбий оқибатларни камайтириш зарурати ҳам мавжуд.

Олий Мажлис Қонунчилик палатасига кириб келган янги қонун лойиҳасида айни муҳим масалалар эътиборга олинган. Бироқ лойиҳа палата мажлисига етиб бормади. Халқ демократик партияси фракцияси йиғилишида қонун лойиҳаси қўмитага қайтарилиши кераклиги ҳақида қарор қабул қилинди.

Лойиҳага кўра, тиббиёт ва фармацевтика ходимларини давлат рўйхатига олишнинг норматив-ҳуқуқий, ташкилий асосларини шакллантириш мақсад қилинган. Шу билан бирга, аҳолининг юқори сифатли тиббий хизмат олиш ҳуқуқларини самарали ғайига қилишга қаратилган меъёрлар тақлиф этилмоқда. Масалан, бирламчи тиббий-санитария ёрдами муассасаларида пуллик асосда қўшимча тиббий ёрдам кўрсатиш масаласи ҳам кўзда тутилган.

Фракция аъзолари қонун лойиҳасининг концепциясини муҳокама қилар экан, ундаги меъёрлар аввала аҳоли, сайловчилар манфаатларига хизмат қилиши кераклигига ургу берди.

Хусусан, депутатлар жойларда тиббиёт мутахассислари етишмаётган бир пайтда уларга маълум бир синовдан ўтиш талаби қўйилса, соҳага қизиқиш сўниб қолмайдими, деган савол билан мурожаат қилди.

Масъулларга кўра, ОТМни тамомлаган диплом эгаси аҳолига сифатли тиббий хизмат кўрсата олмайди. Шунинг учун уларни маълум бир синовдан ўтказган ҳолда, фаолиятига рухсат бериш талаб этилади.

Бироқ ХДП фракцияси аъзолари қонунчилик ва малака талабларига мос келадиган шахсларни саралаб олиш, бу жараёни мураттаблаштириш орқали яхши мутахассисга эътиборни қондириб бўлмамлигини таъкидлашди. Малакали мутахассислар сафини кенгайтириш масаласи олий таълим тизимидан бошланиши кераклиги қайд этилди. Депутатлар фикрича, концепция матнида тузатилиши керак бўлган жиҳатлар бор.

Масъуллар депутатларнинг саволларига жавоблар беришди. Узоқ муҳокамалардан сўнг фракция аъзолари қонун лойиҳасини биринчи ўқишда қайта кўриб чиқиш юзасидан якуний тўхтамга келди ва уни қўми­тага қайтариш таклифи бир овоздан маъқулланди.

**ҚИШЛОҚ ХЎЖАЛИГИДА ТАВАККАЛЧИЛИК СУҒУРТАЛАНДИМИ?**

Глобал даражада об-ҳавонинг кескин ўзгариши, сув танқислиги ва бошқа табиий офатлар кўп­лаб қишлоқ хўжалиги махсулотлари йўқоти­лишига олиб келмоқда. Бу йиллар давомида юз бермоқда. Аммо миллий қонунчилигимизда хавфлилик даражаси юқори бўлган соҳа, яъни, ҳосил суғуртаси амалга оширилмай қолмоқда. Бу эса айрим деҳқон-у фермерларга у ёки бу даражада зарар келтиряпти.

Шунинг учун қишлоқ хўжалиги соҳасида таваккалчиликларни суғурта қилиш сиёсатини такомиллаштиришга эътибор мавжуд. Кеча бўлиб ўтган палата мажлисида айни шу масалага тегишли қонун лойиҳаси муҳокама қилинди.

Ташаббускорлар лойиҳанингни мазмун-моҳиятини тушунтирар экан, депутатлар кўп­лаб аниқлаштирувчи саволлар билан мурожаат қилди. Шу билан бирга, тавсиявий мазмундаги фикрлар билдирилди. Фракция аъзоси Анвархон Темиров қонун

концепциясини маъқуллаган ҳолда, бу янгилик коррупциоген ҳолатларга йўл очиб бериши мумкинлиги масаласи қай даражада эътиборга олингани билан қизиқди.

Депутатнинг саволига қишлоқ хўжалиги вазири Иброҳим Абдураҳмонов жавоб берди:

“Биринчи масала тизим рақамлаштирилади ва агроплатформага интеграция қилинади. Масалан, кимдир об-ҳаво шароитини вақт қилиб, давлатдан пул олоқчи бўлса, “Ўзгидромет” ҳулосаси билан бу ҳолатнинг субъектив ёки объектив экани аниқлаштирилади. Худди шундай Сув хўжалиги вазири билан сув етказиш бўйича, кимё саноат билан ўғит етказиш бериш, карантин агентлиги билан эпидемиологиянинг тарқалиши бўйича, умуман, ҳар бир алоқадор тизим идоралари билан интеграция қилинади”.

Вазирга кўра, мустақил экспертлар ҳам бу жараёнга жалб қилинади. Шу билан бирга, жамғарма ташкил қилиниб, у ерда малакали агроном штатлари жорий этилади. Ана шу мутахассислар жамоаси ҳам суғурта­лаш тизими шаффоф ишлаши учун фаолият олиб боради. Қолаверса, бошқарув кенгаши бу борада ҳулоса чиқаради.

Таъкидланишича, ҳосил суғуртасига ҳозирда эҳтиёж бор. Сабаби, аномал совуқ ёки иссиқ пайтидаги айрим масалалар ҳануз ечимини топмаган. Палата мажлисида лойиҳа концептуал маъқулланди.

**ЭЛЕКТРОН “СИГАРЕТ”ЛАР ТАҚИҚЛАНДИМИ?**

Қонунчилик палатаси ва фракция­миз йиғилишларида шу мақсадга қаратилган қонун лойиҳаси ҳам кўриб чиқилди.

Таъкидландики, қонун лойиҳаси қабул қилиниши болалар ва ўсмирлар орасида янги тамаки ва никотин махсулотлари истеъмол қилиниши камайишига хизмат қилади. Шу билан бирга, истеъмолчиларнинг ҳуқуқларини, ишлаб чиқарувчиларнинг манфаатларини ғайимоялаш, иқтисодиётдаги “яширин айланмаларни” қисқартиришга ҳам ҳисса қўшади.

Лойиҳанингни баъзи меъёрлари партиясининг депутатларида саволларни юзага келтирди. Хусусан, фракция­миз аъзоси Зокиржон Зоҳидов бу каби тақиқлар туризм жозибдорлигига соя солиш эҳтимолини билдириди. Депутат хориждан келадиган сайёҳлар электрон сигареталарни юртимизга олиб киргани учун жавобгарликка тортилмаган бўлса, тақлиф этилаётган маъмурий санкция миқдори юқори эканини таъкидлади. Унинг саволига соғлиқни сақлаш вазири Асилбек Худаяров жавоб берди.

Қайд этилдики, юртимизда хорижий давлатлардан келадиган сайёҳлар Ўзбекистон ҳақида, унинг маданияти, қонунлари, менталитети ҳақида ўрганади, хабардор бўлади. Агар бунинг акси рўй берган тақдирда, юртимиз божхоначилари вазиятни уларга тушунтиради, хабардор қилади, маълумот беради. Қонун кучга кирса, Ташқи ишлар вазирилиги, Божхона қўмитаси билан биргаликда тарғибот ишлари олиб борилади, Туризм агентлиги билан ушбу масаладаги тартиб қайта кўриб чиқилади. Санкциялар конструкцияси ва ҳуқуқбузарликлар даражасидан келиб чиқиб энгилдан оғирига қараб ўзгаради.

Палата мажлисида қатор тақлифлар, савол ва мулоҳазалардан сўнг лойиҳа биринчи ўқишда кўллаб-қувватланди.

**Зилола УБАЙДУЛЛАЕВА, “Ўзбекистон овози” муҳбири.**

**МАҲАЛЛИЙ КЕНГАШЛАРНИНГ ҲУДУДЛАРНИ ИЖТИМОЙ-ИҚТИСОДИЙ РИВОЖЛАНТИРИШ, ИЖРО ЭТУВЧИ ҲОКИМИЯТ ИДОРАЛАРИ ФАОЛИЯТИ УСТИДАН НАЗОРAT ЎРНАТИШ ВА ОДАМЛАРНИ ЎЙЛАНТИРАЁТГАН МУАММОЛАРНИ ҲАЛ ҚИЛИШ БОРАСИДАГИ САЪЙ-ҲАРАКАТЛАРИ САМАРАДОРЛИГИНИ ОШИРИШ ДOLЗАРБ АҲАМИЯТГА ЭГА. ЎЗБЕКИСТОН ХАЛҚ ДЕМOKPАТИК ПАРТИЯСИ МАРКАЗИЙ КЕНГАШИ ТОМОНИДАН ЖОЙЛАРДА МАҲАЛЛИЙ КЕНГАШЛАР ДЕПУТАТЛАРИ ИШТИРОКИДА ЎҚУВ-СЕМИНАРЛАР ТАШКИЛ ЭТИЛГАНИ ШУ НУҚТАИ НАЗАРДАН АЛОҲИДА ДИҚҚАТГА МОЛИКДИР.**

# ЭЛЕКТОРАТИМИЗ МАНФААТИ УЧУН



**Мавжуда ҲАСАНОВА, ЎзХДП Марказий Кенгаши бошқарма бошлиғи:**

— Маълумки, депутатлар турли соҳаларда фаолият юритувчи, тажрибали, фидойи, жамиятда ҳурмат қозонган ва обрў-эътиборга эга шахслар орасидан сайланади. Лекин улар депутатлик фаолиятини қандай олиб боришлари бўйича алоҳида ўқитилмайди, бу борада халқ ноиблари ҳаёт мактабида олган кўникмаларига таянишади.

2024 йилнинг 2 декабридан 25 декабрга қадар ҳудудларда ўтказилган ўқув-семинарлар маҳаллий Кенгашларга янги сайланган 1 минг 200 нафар депутат учун нафақат ўзаро билим ва тажриба алмашиш, балки электорат манфаати йўлидаги фаолиятнинг энг устувор йўналишларини белгилаб олишига имкон берди.

Эътиборлиси, ўқув давомида маҳаллий Кенгашлардаги депутатларимиз томонидан жуда кўп тақлифлар билдирилди. Бу тақлифларнинг аксарияти ҳаётийлиги билан чиндан ҳам тарози босади. Масалан, Тошкент вилояти Пискент тумани депутатлик гуруҳи раҳбари Д. Комилова чекка ҳудудларда малакали тиббиёт ходимлари етишмаётгани ва бу масалани юқори ташкилотларда ўрганиб чиқиш зарурлигига ургу берган бўлса, вилоят депутати А. Носиров ёш депутатларни устоз-шоғирд тамойили асосида шакллантириш заруратида диққат қаратди. Паркент тумани депутатлик гуруҳи раҳбари Х. Муҳиддинов эса депутатлик гуруҳи йиғилишларида ҳудудлардаги муаммоларни ўрганиш ва таҳлил қилиш жараёнига вилоят ҳамда Олий Мажлис депутатларини ҳам жалб этиш таклифини берди.

Худди шундай, халқ депутатлари Фуқрат тумани Кенгаши депутати Б. Раҳматуллаев умумтаълим мактабларида юқори синф ўқувчиларининг қизиқишларидан келиб чиқиб, жамоатчилик ва депутатлар томонидан мониторинг ўрганиш ҳолда уларни тоифаларга ажратиш кераклигини айтиб ўтди. Унинг фикрича, биринчи тоифага “Таълим олишга қизиқувчи ёшлар” деб ном бериш ва бу тоифага кири­тилган ўқувчиларга малакали ўқитувчиларни бириктирган ҳолда олий таълимга кириши учун кўмаклашиш, иккинчи тоифа, яъни, “Касб-хўнақар қизиққан ёшлар” учун маҳалладаги уста-хўнарманлар билан бирга “устоз-шоғирд” аъъанасини жорий қилиб, келажакда юқори даромад олувчи тадбиркор ёки хўнарман бўлиб етишишларига эришиш ва ниҳоят, учинчи тоифа - “Мақсадсиз ёшлар”, яъни, кейинчалик боқимандалик ҳолатига тушишга мойил бўлган ўқувчилар билан маҳалла еттилик, таълим муассасаси ҳамкорлигида тизимли иш олиб бориш керак. Бу бўйича амалдаги қонунчиликни кўриб чиқиш ҳам мақсадга мувофиқ ҳисобланади.

Дарвоқе, халқ депутатлари Фарғона вилоят Кенгаши депутати И. Султонов барча туман ва шаҳарларда касб-хўнақарга қизиққан ёшлар ва хотин-қизлардан минг нафарини “Иброҳимжон гиламлари” хусусий корхонасида бепул касаначилик, гиламдўзликка ўқитиб, кейинчалик доимий иш билан таъминлаш таклифини берди. Бу борада барча даражадаги партия ташкилотлари ва депутатлари билан ҳамкорлик қилишга тайёрлигини билдириди.

Халқ депутатлари Қува тумани Кенгаши депутати О. Олимов ХДПнинг асосий электорати саналган ногиронлиги бўлган шахсларнинг таълим ва меҳнат интеграциясини такомиллаштириш, шунингдек, “Имконияти чекланган давлат хизматчиси” давлат дастурини ишлаб чиқиш ташаббусини ингари сурди.

Эндиликда республикамиздаги ҳар бир ҳудуднинг мавжуд муаммолари ва эҳтиёжларидан келиб чиқиб, депутатлик гуруҳлари ўрганишларини манзилли амалга оширишни режалаштиряёмиз. Назорат-таҳлил ва жамоатчилик назорати тадбирларини қуйи палатадаги фракция­миз депутатлари ва маҳаллий Кенгашлар ҳамкорлигида ташкил этишни мўлжалламоқдамиз. Бу эса сиёсий партиянинг фракция аъзолари ва қуйи тизимдаги маҳаллий Кенгашлар депутатларининг баҳамжиҳатликдаги самарали фаолиятини таъминлайди. Муҳими, ХДПнинг электорат ишонган, умид қилган юздан ортиқ ҳақчил ва халқчил ғоялари босқичма-босқич ҳаётий исботини топиб боришига хизмат қилади.



# БАРЧАСИ

## ДҮСТЛИК ВА ОҒЗИБИРЧИЛИК КЎПРИГИ

**ЎТГАН ЙИЛ ҚОРАҚАЛПОҒИСТОН УЧУН ЧИН МАЪНОДА БАРАКАЛИ ВА ТАРИХИЙ ВОҚЕАЛАРГА БОЙ ЙИЛ БЎЛДИ. ЙИЛ ДАВОМИДА ҚАТОР ЙИРИК ЛОЙИХАЛАР, ЯНГИ САНОАТ ҚОРХОНАЛАРИ, ТУРИЗМ МАСКАНЛАРИ, ЭНЕРГЕТИКА ҚУВВАТЛАРИ, IT ПАРК ИШГА ТУШИРИЛГАНИ ФИКРИМИЗНИ СЎЗСИЗ ИСБОТЛАЙДИ.**

**АЙНИҚСА, ЙИЛ БОШИДА АМУДАРЁ УЗРА ҚОРАҚАЛПОҒИСТОННИ ХОРАЗМ БИЛАН БОҒЛАЙДИГАН, УЗУНЛИГИ 423 МЕТР БЎЛГАН ЯНГИ АВТОМОБИЛЬ ВА ТЕМИР ЙЎЛ КЎПРИГИНИНГ ФОЙДАЛАНИШГА ТОПШИРИЛГАНИ ХАЛҚИМИЗДА ЧЕКСИЗ ҚУВОНЧ, ФАХР ВА ИФТИХОР ТУЙГУЛАРИНИ УЙҒОТДИ.**

Бу иншоот самарасида йўлнинг ўтказиш қобилияти 4 баробарга ошиб, бир кеча-кундузда 12 минг автомобиль ҳаракатланиши учун имконият яратилди. Натижада 48 минг йўловчининг 2 соат вақти тежалиб, дарёдан хавфсиз ўтиши таъминланди. Кўприк икки тарафга қараб 24 жуфт поездни ўтказиш имконига эга бўлиб, бу орқали темир йўл масофаси 180 километрга, юк ташиш тезлиги эса 6 соатгача қисқарди.

Биз биргаликда бунёд этган бу мухташам кўприк шунчаки навбатдаги инфратузилма иншооти эмас. Бу кўприк, аввало, ўзбек ва қорақалпоқ халқлари ўртасидаги мустақкам ишонч ва дўстлик, оғзибирчилик ва ҳамкорлик кўпригидир. Бу йўл жаҳонга очилаётган Янги Ўзбекистон, Янги Қорақалпоғистоннинг тарақиёт ва фаровонлик йўлларида, деган эди Президентимиз ўтган йили 29 февраль куни бўлиб ўтган кўприкнинг очилиш маросимида. Бу айни ҳақиқатдир.

Энг муҳими, ажодларимиз томонидан Жайхун деб аталмиш асим дарёнинг икки соҳилида, шундай ёруғ кунларни орзу қилиб яшаб келаётган минг-минглаб юртдошларимизнинг умидлари рўёбга чиқди.

Эсимизни таниганимиздан буён била-



мизки, одамлар ўтган асрнинг эллигинчи йилларида олиб келинган эски понтон кўприкдан фойдаланиб келарди. Қаҳратон қишнинг шамоли ва изгиринида, баҳорда муз эриб, дарёда сув кўпайганида у жиддий шикастланиб, ярқисиб бўлиб қоларди. Кўприкни таъмирлаш учун бир неча кунлар ҳаракатлар тўхтатилар ва бу аҳолига жуда кўп қийинчиликлар туғдирарди. Шундай пайтларда Амударё тумани аҳолиси автобилда Нукусга бориш учун Урганч ва Беруний орқали юришга мажбур эди. Бунинг учун қўшимча 180 километр йўл юришга тўғри келарди. Поездда эса Хоразмнинг

шарқ томонидаги Хазорасп кўпригидан ўтиб келинарди.

Дарёнинг икки томонида яшовчи ҳар бир инсоннинг бундай қийинчиликлар билан боғлиқ ўз хотираси бор. Қиш кунларининг бири эди. Мен Олий Мажлис Қонунчилик палатасига Амударё туманидан сайланган депутат сифатида эрталаб шу понтон кўприк орқали туманга ўтиб, кун бўйи сайловчилар билан учрашувлар ўтказдим. Кечқурун Нукус аэропортидан Тошкентга учиб учун ортга қайтай десам, шамол ва ёгин-сочиндан кўприк шикастланган, ундан фойдаланиш имкони йўқ эди. Ўшанда ортга

қайтиб, Беруний орқали деярли яна 200 километр йўл босиб, Нукусга келганим ва самолётга зўрга улгурганим ҳеч эсимдан чиқмайди. Эндиликда, албатта, бундай қийинчиликлар барҳам топди. Халқнинг узоғи яқин, мушқули осон бўлди.

Яна шуни эътироф этиш лозимки, мазкур кўприк ўтган йил Қорақалпоғистонда ишга туширилган йирик лойиҳаларнинг дастлабкиси эди. Йил давомида эса Тахтакўпир туманидаги Қаратерен қўли бўйида янги этно-туристик мажмуа барпо этилгани, Нукус шаҳридаги "Оққуш" мажмуасида диаметри 42, баландлиги 22 метрни ташкил этадиган қорақалпоқ миллий ўтови тикланиб, Гиннесснинг рекордлар китобига киритилгани, Қўнғирот — Бейнеу автомобиль йўлининг янгидан қурилган 240 километр қисми фойдаланишга топширилгани ва бошқалар бунёдкорлик ишлари рўйхатини давом эттирди.

"Кўз кўрқоқ, қўл ботир", деганларидак, бундай йирик лойиҳаларнинг амалга оширилишини тасаввур қилса, чиндан ҳам одамнинг кўзи кўрқади. Мен шу ҳудудда яшаб, амалга оширилаётган асрга тати гулик ишларнинг гувоҳи бўлар эканман, Президентимизнинг Мустақиллигимиз 29 йиллигига бағишланган тантанали маросимдаги нутқда айтган куйидаги сўзларини эсладим:

"Халқимизда "Кўз кўрқоқ, қўл ботир", деган чуқур маъноли ибора бор. Бугунги шароитда бизнинг кўзимиз ҳам, қўлимиз ҳам, юрагимиз ҳам ботир бўлиши керак. Белимизни маҳкам боғлаб, пок ният билан меҳнат қилсак, шубҳасиз кўзлаган марраларимизга эришамиз". Дарҳақиқат, биз қорақалпоғистонликлар Давлатимиз раҳбари таъкидлаган шу сўзларнинг исботини нафақат йил, балки ҳар кунни кўраймиш.

Она заминимиз узра янги йил шуқухи давом этаётган айни пайтда Қорақалпоғистонда ўтган йилда эришилган юксак натижаларнинг шуқухи, қувончи ва ҳаяжони бардавом. Зеро, 2025 йил ҳам тарақиётимиз йўлидаги яна қатор эзгу ишлар билан бошланмоқда.

**Назира МАТЯҚУБОВА,**  
**Қорақалпоғистон Республикаси**  
**Жўқорғи Кенгеси депутати,**  
**Ўзбекистон Республикасида хизмат**  
**кўрсатган журналист.**



## ЎЗБЕКISTON КАТТА МАМЛАКАТГА АЙЛАНДИ

**2024 йил ҳам ортда қолди. Бу Мустақил Ўзбекистон давлатчилигининг 33 йиллиги дегани. Йил юртимиз ҳаётида йирик тарихий воқеаликларга бой бўлди.**

**Факт. 2024 йил якунига келиб Ўзбекистон аҳолиси 37 миллионлик довондан ошди.**

Вазиятга реал баҳо берадиган бўлсак, энди 37 миллионлик нуфусга эга мамлакатни "кичик", дейиш мумкин эмаслигини дунё ҳамжамияти ҳам аллақачон тан олиб бўлган. Ўзбекистон катта мамлакатга айланди. Бу кейинги йилларда халқаро майдонда бизга бўлган муносабатнинг шиддат билан ижобий томонга ўзгариб борганида ҳам яққол кўринмоқда. Халқаро майдондаги бугунги нуфузимизни белгилаб берувчи энг муҳим омил очик, прагматик ва фаол ташқи сиёсат олиб борилаётганидир.

Барқарор демографик ўсиш ўз-ўзидан давлат олдига катта масъулиятли вазифаларни қўймоқда. Албатта, биринчи навбатда барқарор иқтисодий ўсишга эришиш, ЯИМнинг йиллик ўсишини янада кўпайтириш лозим.

Иқтисодий ўсиш деганда, ҳаммамизнинг тасаввуримизда бозор тамойиллари гавдаланади. Тан олиш лозимки, бу борада ҳам ўтган йилда катта қадамлар ташланди. Ислохотларнинг муҳим элементи шунда бўлмоқдаки, миллий иқтисодиётимиз жаҳон иқтисодиётига интеграциялашмоқда.

Давлатимиз раҳбари 2024 йил 20 декабрь куни ўтган тадбиркорликни ҳар томонлама қўллаб-қувватлаш бўйича жорий йил якунлари ва 2025 йилга асосий режалар юзасидан видеоселектор йиғилишда Жаҳон савдо ташкилотига аъзо бўлиш жараёнида якуний босқичга киритганини таъкидлади.

**ЖСТ қандай ташкилот ва у Ўзбекистонга нима беради?**

Ташкилот 1995 йил 1 январдан ўз фаолиятини бошлаган. У давлатлараро кўп томонлама савдо тизимини мувофиқлаштириб турувчи ягона универсал халқаро тузилма ҳисобланади.

Асосий вазифаси глобал иқтисодиётнинг шаффофлигини тартибга солиш, давлатлараро савдо-сотик муносабатларини йўлга қўйиш, улар ўртасида тенглик ўрнатиш, аъзо мамлакатларда

барқарор тарақиётни таъминлаш ва инсонлар турмушини яхшилаш ҳисобланади.

Бугунги кунда дунёдаги ушбу энг йирик иқтисодий ташкилотга 166 давлат аъзо бўлиб, улар ҳиссасига жаҳон савдоси ва жаҳон ялпи ички маҳсулотининг қарийб 97 фоизи тўғри келади.

Мутахассисларнинг таъкидлашича, ЖСТ глобал платформа саналиб, унда ҳар бир аъзо давлатнинг манфаатлари ҳисобга олинади. Шунинг учун кучли, ўзининг иқтисодиётига ишонган давлатлар тезроқ бу ташкилотга киришга ҳаракат қилади.

Шу сабабдан Ўзбекистоннинг ЖСТга аъзо бўлиши аҳолининг турмуш тарзини яхшилаш, миллий маҳсулотларимизни жаҳон бозорларида сотиш, мамлакатимизда инвестицион муҳитни яхшилаш ва инвестиция оқимини ошириш ҳамда иқтисодиётимизни барқарор ривожлантиришга замин яратади.

**Қайси босқичдамиз?**

Президентимиз 2024 йил 3 июнь куни "Бозор ислохотларини янада жадаллаштириш ва Ўзбекистон Республикаси миллий қонунчилигини Жаҳон савдо ташкилоти битимларига мувофиқлаштириш бўйича навбатдаги чора-тадбирлар тўғрисида" Фармонни имзолади.

Бир сўз билан айтганда, Фармон ЖСТга кириш йўлида ташланган катта қадам бўлди. Сабаби, унда монополист компанияларнинг эксклюзив ҳуқуқлари ва камситувчи нормаларни бекор қилиш, субсидиялар ва преференциялар бериш тизимини ЖСТ қоидаларидан келиб чиқиб қайта кўриб чиқиш, инвестицион муҳитни яхшилаш чоралари назарда тутилган.

2024 йил якунига қўра, 22 давлат билан аъзолик бўйича музокаралар тугалланган. Эътиборлиси, жаҳон савдосида ҳал қилувчи роль ўйнайдиган ва иқтисодий жиҳатдан дунё лидерлари бўлган АҚШ, Хитой ва Япония билан келишувга эришилган. Эндиги босқичда Европа Иттифоқи аъзолари, Буюк Британия ва Россия каби давлатлар билан музокаралар давом этмоқда.

ЖСТга аъзолик Ўзбекистоннинг доимий кун тартибида турган масала, бу сиёсатда ҳам, стратегияда ҳам акс этиб турибди.

**Аҳмад ҚУРБОНОВ,**  
**"Ўзбекистон овози" мухбири**

## БОЙЛИКНИНГ БОШИ

**БОЙЛИКНИНГ БОШИ – СОҒЛИҚ, ДЕЙДИ КЎПНИ КЎРГАН ДОНОЛАРИМИЗ. ЖСТНИНГ ҲИСОБОТИДА ҚАЙД ЭТИЛИШИЧА, КОВИД ПАНДЕМИЯСИ ДУНЁ МИКЁСИДА ТУҒИЛИШ ВА СОҒЛОМ УМР КЎРИШ ДАВОМИЙЛИГИНИНГ БАРҚАРОР ЎСИШ ТЕНДЕНЦИЯЛАРИНИ ЎЗГАРТИРИБ ЮБОРДИ. БУ ПАНДЕМИЯ ИНСОНИЯТНИНГ УМР КЎРИШ ДАВОМИЙЛИГИНИ ОШИРИШ БЎЙИЧА ҚАРИЙБ ЎН ЙИЛЛИК ЮТУҚЛАРИНИ ЙЎҚ ҚИЛДИ.**



Жаҳон соғлиқни сақлаш ташкилоти барча давлатларни 2030 йилгача Барқарор ривожланиш мақсадларига эришиш учун соғлиқни сақлаш билан боғлиқ саяё-ҳаракатларни қаррасига оширишга чақирди. Чунки бугун ўлим ҳолатларига эпидемия ёки бошқа фавқулодда вазиятлардан ҳам кўра кўпроқ юқумли бўлмаган касалликлар асосий сабаб бўлмоқда. Маълумотларга қўра, саратон ва юрак-қон томир, инсульт, сурунқали обструктив ўпка касалликлари, Альцгеймер ва бошқа турдаги деманс, диабет каби хасталикларга чалинган беморларнинг қарийб 80 фоизи ёки 41 миллиони бевақт оламдан кўз юмаётир. Бундай нохуш оқибатларнинг олдини олиш учун мутахассислар соғлом овқатланиш, жисмоний фаоллик, ёмон одатлар ва стресслардан узоқ бўлиш ҳамда мунтазам шифокорлар кўригидан ўтиш, яъни, тиббий профилактикани олтин қоида сифатида илгари сурадилар.

**70 ФОИЗЛИК ҚАМРОВ**

Тиббий профилактикани жонлантириш, янада аниқроқ айтганда, юқумли бўлмаган касалликларни эрта аниқлаш мамлакатимизда

соғлиқни сақлаш тизимини ислох қилишнинг долзарб йўналишига айлангани эътирофга лойик. Бинобарин, "Аҳоли саломатлиги-2030" стратегияси лойиҳасига қўра, республикаимиздаги ихтисослаштирилган илмий-амалий тиббиёт марказлари (бугунги кунда халқаро аккредитациядан ўтган ушбу марказлар сони 7 та) томонидан касалликларни эрта аниқлаш ишларини такомиллаштириш орқали 20 турдаги янги скрининг дастурлари йўлга қўйилиши, стационар касалликларнинг 80 фоизини туман даражасидаги шифохоналарда бепул даволашни таъминлаш, асосийси, касалликларни эрта аниқлаш даражасини 70 фоизга етказиш назарда тутилмоқда.

Ушбу жабҳада аллақачон дадил қадамлар қўйилганини ҳам таъкидламоқ керак. Биргина 2024 йилнинг ўзида юртимиз аҳолисининг 95,5 фоизи тиббий хатловдан ўтказилиб, 6 турдаги оммавий ва селектив скрининг текширувлари амалга оширилгани, натижада 106 минг киши-

**(Давоми 5 саҳифада)**



ЎЗБЕКИСТОН РЕСПУБЛИКАСИ ҚУРОЛЛИ КУЧЛАРИ ТАШКИЛ ЭТИЛГАНИНИНГ 33 ЙИЛЛИГИГА

# ВАТАНГА ХИЗМАТНИНГ БИР ЙИЛИ...



**МИЛЛИЙ АРМИЯМИЗ САФЛАРИДА ХИЗМАТ ҚИЛИШ – ҲАР БИР ЭР ЙИГИТ УЧУН ЮКСАК ШАРАФ ДЕМАҚДИР. БУ МУҚАДДАС ВАЗИФА НАФАҚАТ ДАВЛАТИМИЗ СИЁСАТИДА, БАЛКИ ҲАРБИЙ МУНДИР ИЧРА УРИБ ТУРГАН ҲАР БИР ЮРАКДА, ҲАР ҚАНДАЙ ОБ-ҲАВО ВА ШАРОИТДА КЕЧА-Ю КУНДУЗ ДАВОМ ЭТАДИ. ЙИЛНИНГ ТЎРТ ФАСЛИ ГУВОҲ: ҲАРБИЙ ХИЗМАТЧИЛАРИМИЗ ЭНГ МАШАҚҚАТЛИ ЛАҲЗАЛАРДА ҲАМ ЗИММАСИДАГИ БУРЧ ВА МАСЪУЛИЯТДАН ЗАРРА ҚАДАР ЧЕКИНГАН ЭМАС.**



Ўзбекистон – Ҳиндистон: «Дўстлик – 2024» дўстлик алоқаларида ўзига хос босқич бўлди.

Дарҳақиқат, қўшинларда хизмат қилаётган ҳар бир кичик командирнинг юксак билими, кенг дунёқарашга эга бўлиши, ҳар қандай мураккаб ва ностандарт вазиятда тўғри қарор қабул қила олиши жуда муҳим. Бугунги кунда сержантлар корпусига қўйлаётган талаблар ана шу тамойиллар асосида шаклланмоқда. Шунингдек, ҳарбий жамоаларда соғлом ахлоқий-руҳий муҳитни камол топтиришда кичик командирларнинг ўрни ва роли ҳам ниҳоятда муҳим.

Марказий ҳарбий округнинг «Фориш» тоғ-ўқув полигошида кичик командирлар, яъни, йўриқчи-сержантларнинг билим ва кўникмаларини ошириш мақсадида ўтказилган ўқув-услубий йиғинда замонавий жанг олиб бориш усуллари, шунингдек, жанговар техника ва ускуналарнинг ишлаш тартиби ва хусусиятларига алоҳида ўрғу берилди. Ўқувлар давомида яраланган ҳарбий хизматчиға биринчи тез тиббий ёрдам кўрсатиш ва уни хавфсиз ҳудудга олиб ўтиш, гуруҳ, якка тартибда ҳаракатланиб, нишонларни йўқ қилиш ҳамда зирҳли машиналар ва артиллерия қуроллари ёрдамида шартли душманни яқсон қилиш бўйича билим ва кўникмалар оширилди.

Халқимизда «Бургутнинг кўзидан уради» деган ибора бор. Синчи ва мерганларга нисбатан ишлатиладиган бу ўхшатиш июнь ойида бўлиб ўтган Мудофаа вазирлиги Мерганларни тайёрлаш маркази жамоасининг натижаларида ҳам ўз аксини топди. Туркия Республикасида ўтказилган 11 давлатдан 36 та жамоа иштирок этган «Энг илғор мерган» халқаро мусобақасида Туркия, АҚШ, Бирлашган Араб Амирлиги, Озарбайжон, Покистон, Болгария каби дунёнинг илғор армиялари қаторида юртимиз ҳарбийлари ҳам муносиб қатнашди. Жамоамиздаги сафдошларимизнинг юқори профессионал тайёргарлиги ва ҳар бир шартдаги кўрсаткичлари мусобақаниннг яқиний натижасида ўз аксини кўрсатди. Яқиний натижаларга кўра, жамоамиз мутлақ ғолибликни қўлга киритди.

Халқаро миқёсда эришаётган ютуқларимиз ҳарбий хизматчиларимизни ҳам бирдек руҳлантирган бўлса ажаб эмас. Ўзбекистон Республикаси Мудофаа вазирлиги ҳарбий хизматчилари Қозоғистон Республикасида ўтказилган «Бирлестик – 2024» минтақавий халқаро ўқувларида иштирок этди. Унда Ўзбекистон ва мезбон давлатдан ташқари Озарбайжон, Қирғизистон ва Тожикистон ҳарбийлари ҳам қатнашди.

Ўқувлар «Оймаша» полигоши ва Токмак бурнидан 2 километр узоқликдаги денгиз майдонида бўлиб ўтди. Мазкур ҳамкорликдаги халқаро ўқувда иштирокчи давлат ҳарбий бўлинмалари қуролли жоҳроларни бартараф этиш бўйича қўшма операцияни ўтказди. Шунингдек, бошқа давлатлар армияси билан таъриба алмашиш, содир бўлиши мумкин бўлган турли кескин вазиятларга доимо шай туриш, энг сўнгги технологиялар ёрдамида ҳарбий хизматчилар кўникмаларини мунтазам равишда ошириб боришга алоҳида эътибор қаратилди. Мазкур ўқувлар минтақада ҳарбий ҳамкорлик ва стратегик шерикликни мустаҳкамлаш йўлидаги муҳим қадам бўлди, десак янглишмаган бўламиз.

Шунингдек, Тошкент ҳарбий округининг «Марказ» десантчилар тайёрлаш базасида доимий равишда соҳа мутахассисларининг билим ва малакаларини мустаҳкамлашга қаратилган ўқув курслари ташкил этилди.

Дарвоқе, артиллерия давлатимиз хавфсизлигининг дахлсизлигини таъминловчи, миллий

армиямизнинг салоҳиятини оширувчи қўшин турларидан бири саналади. Доимий ўтказиб келинадиган ўқув машғулоти жанговар тайёргарлигини янада ошириш имкониятини беради. Бу галги «тревога» ҳам Мудофаа вазирлиги тизимида фаолият юритаётган артиллерия қўшинларининг ҳушёрлигини яна бир бор синовдан ўтказди.

Йиғин нуқтаси Марказий ҳарбий округнинг «Каттақўрғон» дала-ўқув майдони этиб белгиланди. «Тревога» сигналдан сўнг Тошкент, Марказий ҳамда Жануби-ғарбий махсус ҳарбий округлардан йўлга отланган соҳа мутахассислари даставвал ҳарбий техникаларни темирйўл платформасига юклашга киришди. Дастлаб темирйўл бекати, шохобчаси ва аэропорти ҳарбий ҳаракатлар таркибий бўлимига мутахассислар томонидан йўриқнома ўтирилиб, ҳарбий техника ва ҳарбий юкларни темирйўл ҳаракатчани таркиби (вагон) га юклаш бўйича

«Термиз» умумқўшин полигошидаги ўқув нуқталарида жисмоний ҳамда руҳий зўриқиш тўсиқларини енгиб ўтиш, тиббий тайёргарлик, алоқа воситаларидан фойдаланиш, муҳандислик назорати, ҳудуд харитаси бўйича ишлаш бўйича синовларни топшириши шулар жумласидандир. Энг асосийси, ҳар бир гуруҳ, взвод ва батальон турлича топшириқларни муваффақиятли бажариб, кўзланган мақсадга эришилди.

Тизимда мунтазам равишда ўтказиб келинаётган «Кембрия патрули» мусобақаси ҳам ҳарбийларимиз учун анча омадли келди. Жорий йилги мусобақаларда 30 дан ортиқ мамлакат, жумладан, Буюк Британия, АҚШ, Франция, Ҳиндистон, Германия, Италия, Латвия, Қозоғистон, Туркменистон ва бошқа давлатлардан 100 дан ортиқ жамоа иштирок этди. Ҳар бир жамоа 80 километрдан ортиқ масофани босиб ўтиб, энг мураккаб табиий ва тактик тўсиқларни енгни. Ҳар 8-10 километрда маршрутнинг турли жойларида иштирокчилар кимёвий ва биологик таҳдид шароитида ҳаракат қилиш, ҳужум операциялари ва мураккаб жойларда йўналишни топиш каби жанговар вазифаларни бажардилар. Ўзбекистон Республикаси Мудофаа вазирлиги жамоаси юқори даражадаги профессионални ҳамда таъминоти бўйича ҳарбий хизматчилари йўналиши намоён этиб, ўз гуруҳида 13 та жамоа орасида биринчи ўринни эгаллади. Улар барча босқичларда зарарланган ҳудудлардан муваффақиятли тарзда ўтиб, тактик операциялардаги маҳоратини кўрсатиб, маршрутни биринчилар сафида яқунладилар. Йўл-йўлакай 4 та рекордди янгилаб ўтишгани таҳсинга лойиқ.

Умумий натижаларга қўра, Ўзбекистон жамоаси кумуш медалга сазовор бўлди.

Октябрь ойи Марказий ҳарбий округнинг «Фориш» тоғ полигошида Ўзбекистон ва Қозоғистон Республикалари Мудофаа вазирликларининг ҳарбий хизматчилари иштирокида қўшма ҳарбий машғулотлар юқори тайёргарлик ва савияда ўтказилиши билан ёдда қолди. Ўқув машғулотлари давомида икки давлат ҳарбий хизматчилари жанговар вазиятда бўлинмаларни ҳамкорликда бошқариш, давлат чегарасининг дахлсизлигини таъминлаш ва шартли душманни йўқ қилиш каби турли жанговар ҳаракатларни олиб борди. Мақсадларнинг муштараклиги, урф-одатларнинг уйғунлиги эса бир мушт бўлиб ҳаракатланишга хизмат қилди.

Дарвоқе, юрт ҳимоячиларининг жанговар-руҳий тайёргарлигини мустаҳкамлаш, хизмат фаолиятида эришган ютуқларини муносиб рағбатлантириш, ҳарбий округлар ўртасида соғлом рақобат муҳитини шакллантириш мақсадида «Амир Темури жанговар байроғи учун» мусобақасида ҳам барча ҳарбий округ қўшинлари курашга бел боғлади.

Юқоридаги жараёнлар соҳадаги тизимли ислохотлар бераётган амалий натижаларнинг бир қисми, ҳолос. Саналмаганлари қанча... Асосийси, юртимизнинг тинчи ва осуда ҳаётини асрашдек муқаддас бурчини шараф билан ўтаётган мард ўғлонлари ёруғ юз ила бундан-да юқори ва залворли чўққиларни забот этишни мақсад қилган!

**Бобур ЭЛМУРОДОВ,**  
капитан.



2024 йил миллий армиямиз бўй-бастини ҳар томонлама ростилади, тоблади. Йилбоши февралда Марказий ҳарбий округ «Фориш» тоғ полигошида ўтказилган батальон тактик ўқувларида Мудофаа вазирлиги қўшинларида жанговар шайлиқнинг қай даражада эканини кузатиш имкониятига эга бўлди. Тарихдан маълумки, жангда қўшин сони эмас, унинг тезкор ҳаракатланиши, жанговар тайёргарлиги ва жангчиларнинг маҳорати муҳим аҳамият касб этган. Бундай тактик услублар бугунги кунда бригада, батальон ёки бошқа бўлинмалар миқёсидаги машғулотларда синовдан ўтказилиб, амалий кўникмалар орқали кўзланган мақсадларга эришилиши таъминланмоқда.

Февраль ойида Озарбайжон Республикаси Мудофаа вазирлигининг бир гуруҳ ҳарбий хизматчилари Ўзбекистон Республикаси Мудофаа вазирлиги «Чимён» тоғ тайёргарлиги ўқув машқлар марказига ташриф буюриши ва «Тоғ етакчиси» ўқув курсида иштирок этиши ҳарбий хизматчиларнинг тоғли ҳудудлардаги қийин шароитларда жанг олиб бориш бўйича билим ва кўникмаларини оширишда, маҳоратини бойитишда муҳим босқичлардан бири бўлиб хизмат қилди.

Шу билан бирга «Чимён» тоғ тайёргарлиги ўқув-машқлар марказида бўлиб ўтган машғулотларда юрт ўғлонлари кундузги ва тунги отиш, разведка ва алоқа, ҳудудга мувофиқ ниқобланиш, шартли беморни фавқулодда эвакуация қилиш, пистирмадан ҳужум, шартли душманни қўриқ олиш, дарёдан кечув, жарлик ва даралар аро канат орқали хавфсиз ўтиш йўлини ҳозирлаш каби йўнаб мураккаб жанговар вазифаларни гуруҳ ва якка тартибда адо этишди.

Машғулотларга сингдирилаётган янгича ёндашувлар Шимоли-ғарбий ҳарбий округга қарашли «Нукус» умумқўшин полигошида ҳам ўз аксини топди. У ерда чўл шароитида жанговар тайёргарлик машғулотларини ташкил этиш ва ўтказиш, мажмуавий машқларни бажариш учун жанговар шахарчалар, турли қурол намуналаридан амалий ўқ отиш учун мулкаланган чинакамга универсал комплекс шахарча барпо этилди. Полигон ҳудудидаги ўқ отиш марралари, ўқотар қуроллардан ноқулай шароитларда нишонни яқсон қилиш машқлари авваллари эскича кўринишда ўтказилган бўлса, бугун тактик усуллар асосида янгича манёвр ва ёндашувлар асосида олиб боришмоқда.

Дарвоқе, жангчини том маънода тоблайдиган маскан, шубҳасиз бепоён полигондир. Марказий ҳарбий округнинг «Сазаган» дала-ўқув майдонида округ қўшинларидаги мутахассис мерганлар ва ушбу мутахассисликка эга бўлиш истагини билдирган ҳарбий хизматчилар билан биргаликда ўқув услубий йиғин ўтказилди. Кўзланган асосий мақсад мерганлик маҳоратига эга энг сара мутахассисларни аниқлаш ва уларнинг сафини кенгайтириш ҳамда Халқаро армия ўйинларига тайёрлаш бўлди.

Март ойининг сўнгги ўн кунлигида Шарқий ҳарбий округ ҳарбий қисмларининг бирида навбатдаги назорат текшируви – синов машғулотларининг бўлиб ўтиши ҳарбий хизматчиларнинг ҳам назарий, ҳам амалий билим ва кўникмаларини синовдан ўтказган бўлса, апрель ойида халқаро алоқаларнинг янада мустаҳкамлашга хизмат қиладиган воқеаларга гувоҳ бўлди. Ҳиндистон Республикаси Қуролли Кучларининг Қуруқликдаги қўшинлари штаб бошлиғи генерал Манож Панде раҳбарлигидаги делегациянинг Ўзбекистон Республикаси Мудофаа вазирлигига ташрифида ҳам



